
Saksnr: 2020/57598-43
Saksbehandlar: Åge Avedal

Saksgang

Utval	Utv.saksnr.	Møtedato
Hovudutval for kultur, idrett og integrering		25.11.2020

Tilskot til prosjekt og tiltak - frivillig kulturliv

Forslag til vedtak

Hovudutval for kultur, idrett og integrering vedtek å løyve 615 000 kr fordelt slik:

Nr	Søklar	Prosjektnamn	Tilråding
1	4H SOGN OG FJORDANE	Arrangørverkstad for ungdom	30 000
2	AKKS BERGEN	AKKS Bergens 25-årsfestival	20 000
4	AKKS BERGEN	Eggstockfestivalen 2021 - med tilhørende fagdag og regionale møteplasser	40 000
5	BEKKALOKKET FOTOKLUBB	3rd Fjord-Bergen International Exhibition of Photography	10 000
9	De unges orkesterforbund Hordaland	Rett i Orkester	30 000
15	Hardanger Spelemannslag	HardingFolk	25 000
21	KROHNENGEN BRASS BAND	Krohnengen Brass Band sitt musikalske talentutviklingsprogram i Vestland fylke	30 000
23	LINDÅS SOGELAG	Forprosjekt Festo Postmuseum (del av Strilamuseet)	60 000
25	Nordhordland spel- og dansarlag	Juniorsamling 2020	20 000
26	ODDAKONSERTENE	Pilegrimspelet "Den Lange Vegen"	40 000
27	Osterøy spel- og dansarlag	OsterFolk 2021	20 000
28	Sogn og Fjordane ungdomslag	Huset i bygda	100 000
29	Stallens visevenner	10 aktiviteter for utvikling av talentfulle amatør-låtskrivere og artister	50 000
31	Stiftinga Gamle Innvik Ullvarefabrikk	Ull innerst i sjela	50 000

34	TORG DAGEN I BERGEN	Torgdagen i Bergen	40 000
35	UNG I KOR - VEST	Ervesong	35 000
40	ØYGARDEN KULTURRÅD (ØKR)	Etablering av amatørkulturråd i Øygarden	15 000
		Sum	615 000

Følgjande søknader blir ikkje innvilga:

Nr	Søklar	Prosjektnamn	Tilråding
3	AKKS BERGEN	UFLAKKS 2021	Avslag
6	BJØRGVIN KRETS AV NORGES KFUK-KFUM	Ten Sing Norway besøksturne mars 2021	Avslag
8	Collegium Musicum	2 haustkonsertar for hungrande sjelar i ei vanskeleg tid.	Avslag
10	DEN RUMENSKE FORENING I BERGEN	Kulturelt begivenhet med preg på tradisjon og mat.	Avslag
11	Etne Sogelag	Stølsbok	Avslag
12	EvoLAN	EvoLAN 13 - Haustlan 2020	Avslag
13	Fana Mållag	Garborg i ord og tonar	Avslag
14	FJELLKØRET	DÅ ME VAR UNG (prosjekt 2021)	Avslag
16	IPX	IPX LAN	Avslag
17	JAKOBSEN RÅDGIVING	Årebyggekurs for trebåt	Avslag
18	Jon Martin Bjørkedal	Storefristøy	Avslag
19	Jungelen Ung	JUNG: Workshops, Åpne dansetreninger og filmvisninger høst/vinter 2020	Avslag
20	KLEPPE MUSIKKLAG	Julekonsert	Avslag
22	Kvamskogen Vel	50-års jubileumsbok for Kvamskogen Vel - 1971-2021	Avslag
24	Maria Skjeldrum Toppe	Utarbeiding av læreverk for hardingfelespel	Avslag
30	STEFANO GIUSTI	Coconut Island	Avslag
32	SVANØY FOLKEAKADEMI	Solgangsfunk og buskspel	Avslag
33	Tone Reinertsen Hellesøy	Gospel Stunts	Avslag
37	UNGDOMSLAGET FRAMSTEG	Framtun scene	Avslag
38	VESTLAND FYLKESKOMMUNE Høyanger vgs	Kantinescene - kultur, musikk, dans	Avslag
39	VOSS SOGELAG	"Vossabygdene", utgjeving lokalhistoriske bøker	Avslag
41	ØYGARDEN SOGELAG	Krigsminnet "Bunkeren på Neshaugen"	Avslag
42	ÅSANE UNGE STRYKERE	Ung Folkemusikk	Avslag
36	UNG KYRKJESONG VEST	Regionalt ungdomskor Vest	Søknaden er trekt

Det vert vist til vedlegg med oversikt over søkjarar for grunngjeving av vedtak.

Samandrag

Vestland fylkeskommune har motteke 42 søknader om *tilskot til prosjekt og tiltak - frivillig kulturliv* hausten 2020. Søknadsfristen var 1. september og det er søkt om i alt 2 017 026 kr i tilskot. Det er avgrensa midlar til disposisjon i ordninga, noko som har gjort det nødvendig å prioritere mellom tiltaka. Fylkesdirektøren tilrår at det blir løyvd i alt 615 000 kr til i alt 17 prosjekt eller tiltak.

Per Morten Ekerhovd
fylkesdirektør

Ronny Skaar
seksjonssjef

Saksframlegget er godkjent elektronisk og har difor inga handskriven signatur.

Vedlegg

- 1 Tilskot prosjekt og tiltak - frivillig kulturliv, hausten 2020. Alle søknader med grunngjeving

Saksutgreiing

Bakgrunn for saka

Vestland fylkeskommune lyste ut tilskotsordninga *tilskot til prosjekt og tiltak - frivillig kulturliv* med søknadsfrist 1. september. I 2020 er det sett av totalt 4 423 000 kroner i budsjettposten *Stønad etter vedtak*. Midlane skal fordelast mellom to tilskotsordningar for prosjekt og tiltak, ein til *profesjonell kunst og kultur* og ein til *frivillig kulturliv*. Tilskotsordningane er lyst ut med to søknadsfristar i året, ein i mars og ein i september. Hovudutvalet fordelte om lag halvparten av budsjettposten *Stønad etter vedtak* til søknader våren 2020 mellom dei to ordningane til *profesjonell kunst og kultur* og *frivillig kulturliv*. Ved vårens søknadsrunde vart det tildelt 721 000 kr til tilskot til prosjekt og tiltak - frivillig kulturliv.

Hovudutval for kultur, idrett og integrering vedtok retningslinjene for tilskot til prosjekt og tiltak - frivillig kulturliv 21. januar. Det vil bli gjort nærmare greie for føremål og vurderingskriteria nedanfor. Ved søknadsfristen 1. september var det kome inn 42 søknader, og det er søkt om i alt 2 017 026 kr i tilskot. Ein av søknadene er trekt som følgje av koronasituasjonen. I alt er 41 søknader behandla.

Føremål med ordninga

Ordninga skal stimulere til aktivitet og sikre innbyggjarar i heile fylket høve til å delta i eit mangfaldig kulturliv. Kulturpolitikken skal fremje og støtte eit sterkt frivillig kulturliv, og stimulere til nettverk og samarbeid.

Barn og ungdom har spesiell merksemd, og vi ønskjer å stimulere til at unge er aktive deltakarar i prosjektet.

Ordninga gjeld for aktørar eller aktivitetar innan det frivillige kulturfeltet/amatørkulturfeltet i Vestland fylke og prosjektet eller tiltaket skal ha kulturaktivitet som hovudføremål. Organisasjonar / institusjonar som tek imot driftsstøtte frå VLFK kan søkje støtte til prosjekt eller tiltak som fell utanfor den ordinære drifta, som t.d. samarbeidsprosjekt og utprøving av nye tiltak.

Generelt:

Vedtakskompetanse: Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Budsjett 2020: 4 423 000 kr

Søknadsfrist 2020: 1. september 2020

Vedtak kriteria: [21. januar 2020](#)

Kriteria og informasjon om ordninga: [Nettsida vestlandfylke.no](https://nettsida.vestlandfylke.no)

Vår 2020

Tal på søknadar:	121
Tal på søknadar som er innstilt for tilskot:	22
Samla søknadssum:	6 227 438 kr
Samla løyving:	721 000 kr

Haust 2020:

Tal på søknadar:	42
Tal på søknadar som vart tildelt støtte:	17
Samla søknadssum:	2 017 026 kr
Samla løyving:	615 000 kr

Fylkesdirektøren sine overordna kommentar til innstillinga:

Det er god breidde i søknadene til tilskotsordninga denne hausten. Ein god del av tiltaka og prosjekta er planlagt gjennomført i 2021, men enkelte startar denne hausten. Ved fleire av tiltaka har søkjarane skildra at dei vil ta omsyn til smittesituasjonen som følgje av covid19-pandemien. Administrasjonen har vore i kontakt med fleire av søkjarane etter søknadsfrist for å få oppdaterte opplysningar om eventuelle endringar som følgje av koronasituasjonen. Berre ein av søknadene er trekt som følgje av situasjonen. Det er framleis mykje uvisse rundt korleis ein kan og bør innrette planlagde prosjekt og tiltak utover hausten og neste år. Alle tilsegn vert gitt med føresetnad om at prosjektet eller tiltaket vert gjennomført.

I følgje retningslinjene skal løyvingane i hovudsak ligge på mellom 10 000 og 100 000 kroner. For større prosjekt kan det vere aktuelt å søkje om støtte frå Kulturelt utviklingsprogram (KUP).

Absolutte kriteria

Tiltaket det blir søkt om må oppfylle dei tre absolutte kriteria for å kunne verte tilrådd støtte:

- Tiltaket skal vere i samsvar med føremålet i søknadsordninga.
- Tiltaket skal støtte ein eller fleire satsingar i regional plan for kultur.
- Tiltaket skal ha regional kulturverdi, dvs. ha ein kommuneovergripande funksjon og / eller verdi.

Det blir ikkje gitt støtte til følgjande:

- Innkjøp og vedlikehald av bygg, utstyr og instrument.
- Tiltak/prosjekt i regi av fylkeskommunale eller kommunale institusjonar
- Innspeing og utgjeving av litteratur, film og musikk. (Unntak kan vere dokumentasjon med kulturhistorisk verdi).
- Deltaking på seminar, utdanning, studiereiser, gjestekunstnaropphald o.l.

Ein søknad må ikkje oppfylle alle vurderingskriteria, men jo sterkare og jo fleire av desse som er oppfylte, dess meir relevant vil søknaden vere for ordninga.

Vurderingskriteria

Søknadene er vurdert ut i frå følgjande kriterium:

- a) Utvikling av kulturlivet i fylket, t.d. ha verdi som pilotprosjekt og bidra til større breidde
- b) Dokumentasjon av kulturhistorie
- c) Samarbeid og nettverk
- d) At tiltaket eller prosjektet er utadretta og ope
- e) Kvalitativt nivå på prosjekt og søknad.
- f) Tidlegare vist gjennomføringsevne av kulturtiltak / prosjekt
- g) Støtte og forankring i heimkommunar og evt. nasjonalt

Ein søknad må ikkje oppfylle alle vurderingskriteria, men jo sterkare og jo fleire av desse som vert oppfylt, dess meir relevant vil søknaden vere for ordninga. Støtte gjennom desse støtteordningane er ikkje rettighetsbaserte, og det er vanlegvis mange fleire kvalifiserte søkjarar enn der er tilgjengelege midlar. I tillegg blir det teke omsyn til geografi og sjanger i den samla vurderinga.

Alle tilrådde tiltak og prosjekt skal ha regional verdi - geografisk og/eller funksjon. Storleik og omfang treng ikkje vere avgjerande. Fagleg kvalitet og særleg grad av nyskaping m.m. kan også ligge til grunn for at eit tiltak har regional verdi.

Der det er gitt positivt tilsegn ligg det til grunn at dei absolutte kriteria er oppfylt tilstrekkeleg. Dei andre vurderingskriteria vert vist konkret til i grunngjevinga (sjå vedlegg). Dei individuelle grunngjevingane må sjåast som moment i ei heilskapleg vurdering opp imot kriteria, fylkeskommunen si kulturpolitiske rolle og samla søknadsbunke.

Dei fleste av søkjarane har fleire finansieringspartar i sitt budsjett. Støtte og forankring i heimkommune (-ar) er eit av vurderingskriteria for denne ordninga. Fylkeskommunal støtte skal forsterke det kommunale engasjementet i tiltak som har regional verdi, ikkje vere ei erstatning for manglande kommunalt kulturansvar.

Vurderingar og verknader

Økonomi: Tildelinga er i samsvar med budsjett. Tilskotsordningar på kulturfeltet er eit økonomisk verkemiddel og står sentralt i den regionale kulturpolitikken til Vestland fylkeskommune.

Klima: Fylkesdirektøren kan ikkje sjå at dei omsøkte tiltaka har stort klimaavtrykk.

Folkehelse: *Regionale planar for folkehelse 2014 - 2025 - fleire gode leveår for alle:* Kulturopplevingar har positiv verknad på folkehelsa.

Regional planstrategi: Regional plan for kultur i Sogn og Fjordane 2019-2027, *Kultur for alle*, og regional plan for kultur i Hordaland 2015-2025, *PREMISS: KULTUR* set mål for tilskot til kunst- og kulturføremål.

Konklusjon

Fylkesdirektør tilrår at 615 000 kr vert fordelt som tilskot til prosjekt og tiltak - frivillig kulturliv slik det er lagt fram i vedtaket. Det vert elles vist til vedlegg med oversyn over søknadane med grunngjeving til kvar søknad.